

Rapport annual 2022

PUNTREIS Center da sanadad SA – 7180 Disentis/Mustér



CUNTEGN

Cuntegn	2
Rapport dil president dil Cussegl da Fundaziun	3
Rapport dil president dil Cussegl d'administraziun PUNTREIS Center da sanadad SA	6
Rapport dil meinafatschenta	8
Rapport dil menader partizun gastronomia	10
Organs responsabels per ils 31-12-2022	12
Persunal.....	13
Cussadentas e cussadents	14
Defunctas e defuncts	15
Engraziament.....	16
Persunas da contact	17
Adressa da contact	17



RAPPORT DIL PRESIDENT DIL CUSSEGL DA FUNDAZIUN

Igl onn 2022 ei staus fetg interessants e nus havein astgau terminar differents projects.

Commembers dalla fundaziun PUNTREIS

Peter Hüssy ha contonschiu la vegliadetgna da 75 onns e cheutras ha el tenor ils statuts stuiu seretrer avon la fin dalla perioda d'uffeci. Peter ei s'engaschaus otg onns pil beinstar dalla fundaziun PUNTREIS, da quei tschun onns sco vicepresident (2015-17/2018-20/2021-22). Nus engraziein cordialmein a Peter per siu grondius engaschi duront tut quels onns.

Ils 5 d'avrel 2022 ei Maria Gelgia Deplaz-Candinas vegnida eligida sco representanta da Tujetsch. Sco nova vicepresidenta ei Nicole Giossi vegnida eligida.

Suandont(a)s commembers(-ras)

appartegnan alla fundaziun PUNTREIS:

Christoph Berger (Disentis/Mustér; president), Nicole Giossi (Tujetsch; vicepresidenta), Mario Flepp (Disentis/Mustér), Claudia Pally-Lutz (Medel-Lucmagn), Marlis Venzin-Spescha (Medel-Lucmagn), Maria Gelgia Deplaz-Candinas (Tujetsch).

Sclariments energetics


Cul sclariment energetic per ina pusseivla annexa ha la fundaziun PUNTREIS sclariu differentas pusseivladads per optimar il diever d'energia. La PUNTREIS drova electricitat, scaldament cun sondas e scaldament cun RECAL (*Fernwärmehitzung*). Cun analisar la prestaziun dallas sondas e la furniziun da RECAL, ha la fundaziun PUNTREIS sclariu ils pass per in indrez fotovoltaic per aschia optimar il diever d'electricitat che caschuna rodund frs. 70'000.- /onn alla PUNTREIS SA.

Optimaziuns el sectur electricitat

Igl onn 2022 ha la fundaziun PUNTREIS realisau suandonts projects:

1) Lingia pil provediment d'electricitat

Da niev furnescha mo pli ina lingia electricitat per ils dus baghetgs. La lingia furnescha avunda energia pigl entir menaschi. Grazia a quei fatg havein nus era saviu reducir ils "Blindströme".



Lingia da providiment (31-01-2023)

2) Sanaziun folia dil tetg

Duront la planisaziun digl indrez fotovoltaic ei semussau che la folia dil tetg haveva differentas ruosnas. Plinavon han in saviu constatar ch'ils urs eran buca construi correct.

Per evitar donns pli gronds egl avegnir havein nus schau metter quei en uorden.



Sanaziun dalla folia sin tetg (05-04-2022)

3) Indrez fotovoltaic

La fatschenta BeerBigliel SA ha installau in indrez fotovoltaic cun ina prestaziun da ca. 95'000 uras kilowat (*kWh*). En Svizra drovan ins per las casadas rodund 5'200 uras kilowat electricitat. Detg auter, nies indrez producescha energia electrica ton sco quei che 18 famiglias drovan duront in onn ora. Cun quella prestaziun sa la PUNTREIS SA cuvierer rodund in tierz dil consum d'energia.

Fastedis ha la furnizun dil secund alternatur (*Wechselrichter*) caschunau. Per quei motiv ha igl indrez fotovoltaic furniu sia cumpleina prestaziun pèr il zercladur.




Sin tett dalla PUNTREIS durant l'installaziun dallas cellas solaras (26-04-2022)

4) Optimau l'indemnisaziun per l'energia electrica

Quei temps che nus producin dapli energia che quei che nus duvrein, vegn quella spisgentada en la reit. Da nies furnitur d'electrizitat havein nus per quella energia retschiert vinavon 0.09 rp/kWh, era sch'ils prezis per l'electricitat retratga ein carschi marcantamein muort ils conflicts en l'Ucraina. Cun furnir l'energia electrica dalla CKW (*Centralschweizerische Kraftwerke AG*) obtenin nus niev in prezi bia pli ault. Quel sebasa sil prezi da referenza dalla Confederaziun.

CKW vergütet den ins Netz eingespeisten Solarstrom nach dem Referenzmarktpreis des Bundesamtes für Energie (BFE). Dieser betrug im ersten Halbjahr 2022 im Schnitt 23.36 Rappen pro Kilowattstunde. Für das dritte Quartal liegt die Vergütung sogar bei 39.04 Rp/kWh. (Quelle: Internet)



Las graficas muossan las prestaziuns dils 09/12-08-2022 e 29-12-2022. La part cotschna ei l'energia che la reit furnescha. Verd ei l'energia ch'igl indrez fotovoltaic furnescha directamein alla PUNTREIS SA e mellen muossa la part che vegn spisgentada ella reit.

Duront in bi di da stad producescha igl indrez circa il consum pigl agen diever. Igl unviern, cu il solegl ei fetg abass, furnescha igl indrez aunc adina in otgavel digl agen diever (unviern 2022/2023 cun pauca neiv).

5) Spitzenlastmanagement

Grazia alla planisaziun ed empau cletg, ha la fundaziun PUNTREIS saviu optimar la furnizun d'electricitat aschia ch'ils cuosts dils proxims onns per l'electricitat muntan mo il dubel per la part che nus havein da cumprar en. Al menaschi fan plitost ils prezis aults ch'ins ha da pagar e che muntan entochen frs. 10.--/kWh. Cun la decisiun per in "Spitzenlastmanagement" e l'approbaziun dil credit san ins supplementarmein reducir ils cuosts energetics. Ils apparats che han in ault diever d'energia electrica san ins cheutras buca pli tschentar en el medem mument.

Mobiliar/indrez en las stanzas 128/131 e terrassa

La fundaziun PUNTREIS ha approbau in credit mobiliar da niev per las stanzas 128/131 e la terrassa.



stanzas 128/131 (08-02-2023)

Investiziuns grazia al bien construct

Tut las investiziuns ein mo pusseivlas, grazia al bien construct dalla PUNTREIS SA e fundaziun PUNTREIS ch'ils fundaturs dalla PUNTREIS han creau. Mo cun in menaschi che funcziunescha sa la fundaziun PUNTREIS via dividenda far ina reserva ni l'autra pil manteniment dil baghetg ed investar el menaschi. Grazia alla buna collaboraziun denter PUNTREIS SA, fundaziun PUNTREIS ensemble cul meinafatschenta Gian-Reto Nufer, eis ei stau pusseivel da realisar tons projects egl onn 2022.

Augments tier manteniements e reparaturas

Pintgas e pli grondas reparaturas vid il baghetg engrevieschan vinavon il conto dalla fundaziun PUNTREIS.

Ei baghetg vegl ha la fundaziun PUNTREIS planisau da sanar ils plantschius vegls enteifer ils proxims quater onns.

Aunc adina bia deivets el sacados

Nies buordi finanzial ei aunc adina relativ gronds. Cun ina casa fetg bein occupada eis ei stau pusseivel alla PUNTREIS SA d'augmentar la liquiditat sur la summa necessaria sco era da pagar alla fundaziun ina pli gronda dividenda. Cun la buna occupaziun dalla casa savein nus mintg'onn era far las amortisaziuns necessarias. Nus stuein bein ponderar nossas decisiuns el futur ed anflar la pesentincla denter investar el futur, reduzir ils deivets ed il manteniment dalla casa PUNTREIS.

SanaSurselva

Il project SanaSurselva vegn pli e pli concrets. Il meinafatschenta ed il president dalla fundaziun han obtenui bun'investa cun separticipar en las gruppas da lavur. Igl ei previu d'elaborar las cundiziuns definitivas enteifer dus onns, quei che caschuna per tut ils commembers bien dus milliuns francs.

Ins sto ponderar fetg bein tgei decisiun che la fundaziun PUNTREIS less prender il mars 2023. Il meini da nos presidents communals dalla Cadi ei naturalmein era decisivs. Cun fundar la PUNTREIS egl onn 2014 han ins reduciu ils letgs da 110 giu sin 55 letgs. Cumpergliau cun outras casas da tgira renda nossa casa il meglier da tuttas 50 casas da tgira dil cantun Grischun.

La fundaziun PUNTREIS ei pil mument visada vi sin ina dividenda per saver reduzir ils deivets. per

cuvierer ils cuosts da manteniment e sche pusseivel da saver far amortisaziuns supplementaras.

Engraziament

Jeu engraziel grondamein a nossas cussadentas ed a nos cussadents, agl entir persunal, sut la direcziun da nies capavel meinafatschenta Gian-Reto Nufer, al Cussegl d'administraziun PUNTREIS Center da sanadad SA, sut il presidi dad André Schmid sco era allas commembras ed als commembers dalla Fundaziun PUNTREIS, per tut igl engaschi e bien maun en favur da nossa casa.

Mustér, ils 30 da schaner 2022

Christoph Berger
president dil Cussegl da Fundaziun PUNTREIS

RAPPORT DIL PRESIDENT DIL CUSSEGL D'ADMINISTRAZIUN PUNTREIS CENTER DA SANADAD SA

Cun grond plascher savein nus danovamein rapportar d'in bien onn per nossa instituziun PUNTREIS. Nus sesanflein ella perioda d'uffeci 2021-2023. Ils commembers dil cussegl d'administrazione Gebharda Berther, Iris Lombris, Arnold Flepp, Giusep Flepp, Livio Zanetti ed André Schmid s'engaschan cumpleinamein pil beinstar da nossa instituziun PUNTREIS. Nus essan fetg cunents che las restricziuns en connex cun la pandemia Corona han saviu vegnir sligiadas si tec a tec. Ils cussadents e tierparents guaden puspei quella libertad. Nus stuein denton vinavon esser attents e far tut il pusseivel per prevegnir da surpresas nunspitgadas. Era aschia ein las sfidas multifaras, quei che pretendia da tuts involvai ina gronda flexibilitad ella laver da mintga di.

Ina dallas grondas sfidas ei l'occupaziun dallas pazzas da laver. Cunzun tier la tgira eis ei grev da remplazzar pazzas da laver vacantas. Igl entir sectur da sanedad stat avon in temps malguess. Las prognosas ein fetg disillusiunontas. Sin fundament dalla initiativa da tgira ei la confederaziun vid migliurar la situaziun e procurar per meglieras condizioni da rama per tuts cumpigliai. Cunzun vulan ins attractivar ils mistregns da tgira cun la speranza da saver carmalar dapli giuvna glieud per in mistregn ni l'auter el sectur da sanedad. Tuttina creschan las pretensiuns pils singuls menaschis incontin. Las instanzas che survigileschan nos menaschis sezzupan savens davos leschas ed ordinaziuns. Lein sperar ch'il squetsch ch'exista ussa meina ad in auter patertgar en caussa.

Cun 88 collaboraturas e collaboraturs che partan 63 pazzas cumpleinas dad ei adina ina fluctuaziun. Tgi va en pensiun, tgi vul midar piazza da laver e tgi mida insuma branscha. Las

raschuns persuenter ein fetg divergentas. Igl onn vargau havein nus stuiu prender encunter l'abdicaziun da nossa responsabla da tgira Silvia Berther-Germann. Nus havein deplorau quei fetg. Il schar encrescher per la laver el spital ed ils contacts existents ella capitala da nies cantun han menau a quella decisiun. En mintga cass lessan nus engraziar alla Silvia per tut il grond engaschi e la nunstunclenteivla laver en favur dalla tgira e nossa instituziun. Cun l'elecziun dil substitut Daniel Prediscan havein nus anflau ina optimala sligiaziun senza pli gronds disturbis pil menaschi. Al Daniel giavischein nus bia perseveronza e plascher en sia nova funcziun sco meina tgira.

Differentas instituziuns sefatschentan onn per onn da cefras dalla branscha cun far cumparegliaziuns denter tuttas casas da tgira. Aschia vegnan nossa cefras cumparegliadas cun la media. Las constataziuns che suondan sebasan sin las cefras digl onn 2021: nossa casa ei stada occupaziun per 90.6% (20'082 dis da tgira). En media entran nos cussadents en casa ella vegliadetgna da 84.4 onns. Rodund 60% dils cussadents secaseschan tier nus suenter ina dimora el spital ed il rest vegnan da casa anora. Tut tgi che banduna nostra casa (per gronda part miera) ha passentau en media 570 dis ni rodund 1 ½ onn tier nus. Il temps ch'ils cussadents passenteschan lura serasontga en nies da casa sereducescha onn per onn. Quei ha per consequenza che nus essan incontin alla tscherca da novs cussadents per saver mantener ina aulta occupaziun ed aschia garantir la finanziaziun dils cuosts.

Nossa pli gronda valur, per la quala nus stuein haver grond quitau, ein nossas numerosas collaboraturas e collaboraturs. Senza il

nunstunclenteivel engaschi en favur da nossa instituziun PUNTREIS savein nus buca porscher in bien e familiar dacasa per nos cussadents. Incontin empruein nus da migliurar las cundiziuns da valur cun la speronza che quellas stentas portien fretg. Igl atun vargau ha il cussegl d'administraziun fatg adattaziuns tier la cassa da pensiun. Nus occupein bia persunas, cunzun mummas, en pensums da lavur parzials. Enconuschentamein ein las premissas da basa partenent la cassa da pensiun tier talas persunas buca gest idealas. Cun entginas adattaziuns havein nus migliurau considerablamein quella situaziun. Plinavon havein nus adattau tuttas pagas sin fundament dall'autal carischia per 3% ed ulteriuramein fatg alzaments tier tallas collaboraturas e collaboraturs ch'ein en comparegliaziun indemnisi sut la media dalla branscha. Cussegliaziuns el ravugl d'ina sera d'informaziun ed era la purschida d'ina cussegliaziun individuala dueien sensibilisar il persunal da sefatschentar ad uras cun segirar ina bun'existenza el temps da pensiun.

Alla fin saudi d'engraziar a tut ils cumpigliai ed engaschai. Nies versau e zun premurau meinacasa Gian-Reto Nufer meina la casa cun bien inschign e grond engaschi per nossa cumpleina cumentientscha. Il cader sco era mintga collaboratura e collaboratur s'engaschan mintga di per il beinstar da nos cussadents. In grond e resentiu engraziament persuenter. Sco davos lessel jeu era engraziar als commembers dalla Fundaziun PUNTREIS cun lur president Christoph Berger sco era a mes collegas dil cussegl d'administraziun per la fritgeivla collaboraziun.

Cun grond plascher ed optimissem s'engaschein nus vinavon per l'instituziun **PUNTREIS**.

Mustér, ils 30 da schaner 2023

André Schmid
president dil Cussegl d'administraziun
PUNTREIS Center da sanadad SA



RAPPORT DIL MEINAFATSCHENTA

2022 ha entschiet cun ils emprems cass da corona. Grazia ad in bien "Case Management" ed in consequent reagar, havein nus saviu evitare ina derasaziun ell'entira casa.

Ina dallas raschuns, che nus havein giu in mudest svilup dil virus, ei segiramein stau il grond diember da cussadents e collaboraturs virolai. Leutier ha la capientyscha dils confamigliars e visitaders gidau a tener il virus sut ina buna controlla.

Quei grazia ad ina stretga collaboraziun enteifer ils collaboraturs ed in bien managament da corna. Aschia havein nus saviu dumignar quell'unda da corona sin l'entschatta mars.

Naturalmein vegn il svilup persequitaus vinavon intensivamein, per saver reagar tenor basegns.

Il novembre havein nus lu saviu schar virolar il secund booster. Mo la promptadad da seschar virolar ei buca pli stada aschi gronda sco l'emprema ga. Tuttina havein nus saviu persequitar ch'il svilup dad in'infecziun ei staus, grazia las virolas, pli mudests.

Duront igl onn 2022 havein nus giu 48 entradas e 45 extradas. Da quei han 13 cussadents saviu, suenter in temps da convalescenza, puspei returnar a casa.

Plinavon havein nus giu 9 collaboraturs en scolaziun. Per la fin digl onn ein 88 collaboraturs stai engaschai tier nus, repartiu giu sin 62.75% pazzas cumpleinas.

Malgrad in'occupaziun pli mudesta sur ils meins da stad cun 89%, essan nus tuttina satisfatgs e cuntents cun ina media d'occupaziun da 94.6% sin la fin digl onn 2022. Tut en tut ei quei 18'991 dis da tgira. Aschia che nus savein presentar in quen positiv cun in resultat zun legreivel.

Ussa semuossa la montasca d'in indrez da fotovoltaic sin il tetg sco buna decisiun e s'emuossa da bien avantatg.

Nus havein menau ad uras las contractivas per la furniziun dall'electrizitat e saviu serrar giu in contract per ils proxims quater onns. Tonaton stuein nus quintar cun cuosts pli auts egl avegnir. Quels ein denton aunc adina en ina rama surveiseivla ed oravontut dat quei ina segirtad per l'ulteriura planisaziun.

Ella PUNTREIS havein nus realisau pliras mesiras co spargnar energia. Leutier ei in plan d'urgenza vegnius semtg aus. Tier las mesiras d'optimaziun saudan per exemplu cazzolas da LED, ura automatica per metter en funcziun las maschinas che drovan la pli biara energia e stizzar l'illuminaziun la sera. Egl onn proxim vegn vinavon installau in "Lastgangmanagement", per saver evitare la sperdita d'energia, che procura per pulit auts cuosts mintga meins.

Grazia al sostegn dil cussegl d'administraziun eis ei reussiu da luvar ora ina nova sligiazun dalla cassa da pensiun. Aschia paga il menaschi da niev 60% dallas contribuziuns. Igl impediment d'entrada ei vegnius sbassaus ed il pertschien da spargnar ei s'augmentaus. Tut en tut ei quei ina megliera soluziun per tut mes collaboraturs. Vitier paga la PUNTREIS Center da sanadad in'ulivaziun da carischia da 3%. Nos collaboraturs ein da gronda valeta per il menaschi ed aschia han ei meritau ina honoraziun per la lavur prestada.

Jeu astgel dir che la collaboraziun enteifer il cader, il cussegl da fundaziun ed il cussegl d'administraziun sebasa sin in nivel da capientyscha e beinvulentscha. Ei regia ina comunicaziun appreziada ed aviarta. Miu cader ed ils gremis subordinai ein ina gronda petga per mia lavur ed il succes dil menaschi.

In grond engraziel va a nossas cussadentas ed a nos cussadents cun lur confamigliars per lur confidanza e la gronda capientscha en quei temps tut auter che sempel. Las sentupadas dil mintgadi dattan a mi ina gronda satisfacziun. Cun ureglas aviartas e la promtadad da risguardar giavischs singulares, havein nus saviu metter entuorn ina ni l'autra mesira da meglieraziun.

Senza igl engaschi exemplaric da tuts collaboraturs dalla PUNTREIS fuss ei buc stau pusseivel da schligiar las grondas sfidas dil mintga di.

Mustér, ils 10 da schaner 2023

Gian-Reto Nufer
meinafatschenta
PUNTREIS Center da sanadad SA
e Fundaziun PUNTREIS



RAPPORT DIL MENADER PARTIZIUN GASTRONOMIA



Auch im Jahr 2022 hatten auch wir uns, wie alle anderen Bereiche in der PUNTREIS, immer wieder mit dem Thema Corona beschäftigen müssen. Jedoch war es so, dass je länger das Jahr andauerte, die Thematik in den Hintergrund rückte und wir uns wieder anderen Themen verstärkt widmen konnten.

So konnten mein Team und ich den lang gehegten Wunsch der Cooking-Events verwirklichen. Gästegruppen erhalten hierbei die Möglichkeit, aktiv unter professioneller Anleitung bei der Zubereitung der einzelnen Gänge mitzuwirken und das Menü mit Weinbegleitung in gediegener Atmosphäre zu geniessen. Diese Events sind auch für mein Gastro- und Serviceteam eine Bereicherung der täglichen Arbeit.

Wir haben aktuell eine Lernende im letzten Ausbildungsjahr, die als Erwachsene eine Ausbildung im Qualifikationsverfahren zur Köchin durchläuft und eine Lernende Köchin EFZ im zweiten Lehrjahr. Im kommenden Jahr beginnen gleich zwei Jugendliche die Ausbildung zum Koch EFZ und zur Küchenangestellten EBA.

Für meine Auszubildenden sind Anlässe wie die Cooking-Events aber auch Caterings sowie Anlässe und Apéros in der PUNTREIS eine Horizonterweiterung und können so die gesamte

Palette des Kochalltags aufzeigen. Erst kürzlich hat unsere Lernende die Möglichkeit erhalten, bei meinem früheren Arbeitgeber in Deutschland in einem 5-Sterne Hotel, ein einwöchiges Praktikum zu absolvieren.

Mit Stolz dürfen wir uns seit Oktober mit dem Label TOP-Ausbildungsbetrieb schmücken. Hierzu absolvierte ich eine Ausbildung und erlangte so das Zertifikat. Die Ausbildung hat mir aufgezeigt, dass wir mit unseren Konzepten den richtigen Weg beschreiten, und sie hat mir viele neue Impulse geliefert, wie wir uns punkto Ausbildung noch weiter entwickeln können. Im kommenden Jahr werden wir deshalb am Swiss SVG-Trophy-Finale teilnehmen, für welches wir uns gegen 60 Mitbewerber durchsetzen konnten. Ein grosses Anliegen von mir ist den ökologischen Fussabdruck in der Gastronomie zu reduzieren. So ist es gelungen in den letzten drei Jahren den Plastikverbrauch um 70% zu reduzieren. Durch den Einsatz von Sodastream auf allen Wohnbereichen und in der Ustria PUNTREIS, können wir auf PET-Flaschen für ungesüßte Getränke verzichten. Dies macht Sinn, zumal wir über hervorragendes Wasser verfügen und der Transport von Wasser, sei er noch so kurz, die Umwelt stärker belastet als die Gaskartuschen. Dies haben Abklärungen und Berechnungen aufzeigen können.

Nach wie vor verfolge ich die Idee möglichst viele Produkte aus der nahen Umgebung einzukaufen und in der PUNTREIS zu verarbeiten. Dadurch haben wir die Möglichkeit sämtliche Erzeugnisse eines Tieres zu nutzen. Im letzten Jahr haben wir noch weniger Foodwaste produziert als in den Jahren zuvor. Das Ziel soll sein uns ständig weiterzuentwickeln. Neben den Tieren, welche ich direkt beim Bauern aussuchen kann, habe ich Eier von Mitarbeitern, Roggen und Kartoffeln aber auch Beeren und Pilze verarbeiten können. Die

Zusammenarbeit mit den Produzenten, aber auch den Zulieferern funktioniert einwandfrei. Für das kommende Jahr konnte ich bereits eine Tonne Kartoffeln vorbestellen.

Für mich stehen unsere Bewohnenden immer im Zentrum. So suche ich auch regelmässig den Kontakt mit ihnen und halte Gastrokonferenzen ab, um die Bedürfnisse und Wünsche unserer Gäste zu erfahren und darauf reagieren zu können. Daneben reizt es mich, sie mit anderen Geschmacksrichtungen und Gerüchen zu überraschen und neugierig zu machen.

Dank meines hervorragenden Teams in der Küche und im Service und der Unterstützung

durch die Geschäftsleitung darf ich mit einem Stolz sagen, dass unsere Bewohner in den Genuss einer hohen Qualität kommen und ihre Essen geniessen und wir einen abwechslungsreichen und spannenden Arbeitsalltag haben.

Disentis, 5. Januar 2023

Fatmir Spescha
Bereichsleitung Gastronomie
PUNTREIS Center da sanadad SA



ORGANS RESPONSABELS PER ILS 31-12-2022

Cussegli da fundaziun

PUNTREIS

Christoph Berger
Nicole Giossi-Dermon
Mario Flepp
Claudia Pally-Lutz
Marlis Venzin-Spescha
Maria Gelgia Deplaz



president
vicepresidenta

Cussegli d'administraziun

PUNTREIS Center da sanadad SA

André Schmid
Clau Giusep Flepp
Gebharda Berther-Berther
Arnold Flepp
Jris Lombris-Manetsch
Livio Zanetti



president
vicepresident

Post da revisiun

RRT AG Treuhand & Revision, Chur

direcziun

PUNTREIS Center da sanadad SA

Gian-Reto Nufer	meinafatschenta
Daniel Prediscan	menadra partizun tgira ed accumpignament
Fatmir Spescha	menader partizun gastronomia
Bernard Tuor	menader partizun tecnica ed economia
Nicole Candinas	co-meinagruppa tgira 1
Barbara Flury	co-meinagruppa tgira 1
Christina Lombriser	co-meinagruppa tgira 3
Flurina Simonet	co-meinagruppa tgira 3
Monica Flepp	meinagruppa schubergiar
Maria Capaul	meinagruppa linscharia
Maria Rodrigues	meinagruppa service



PERSUNAL

Pensiunament ni pensiunament anticipau

Jazinta Monn

colluvrera ella tgira, 21 onns engaschament

Annamaria Bundi

colluvrera ella tgira, 15 onns engaschament

Margreta Giger

colluvrera schubergiar, 15 onns engaschament

Nus admettein a tuttas pensuinadas in grond engraziament per la fideivladad enviers nies menaschi e per lur engaschi en favur da nossas cussadentas e nos cussadents e giavischein ad ellas per il futur tut bien, bia contentientscha e buna sanadad.

Giubileums da lavur

20 onns

Lutz Pia colluvrera ella tgira
Rita Levy colluvrera schubergiar

15 onns

Sigrid Loretz colluvrera service

Nus admettein a tuttas giubilaras in sincer engraziament per il grond engaschi duront tut quels onns e selegrein vinavon sin ina buna ed emperneivla collaboraziun.

Scolaziuns terminadas per ils 31-12-2022

persuna responsabla per la tgira cun diplom HF

Anna Tina Schuoler

specialista per la sanadad FaGe

Cornelia Bearth

Livio Derungs

gidontra da tgira SRK

Catarina Cardoso

Jasmin Derungs


Federica Giuliacci

furmatur professiunal

en menaschi d'emprendissadi

Fatmir Spescha

Occupaziun da lavur per ils 31-12-2022




Plazzas cumpleinas per ils 31-12-2022

tgira	44.15 plazzas cumpleinas
gastronomia	8.05 plazzas cumpleinas
economia	6.75 plazzas cumpleinas
survetsch tecnic	1.00 plazzas cumpleinas
administraziun	2.80 plazzas cumpleinas
Total	62.75 plazzas cumpleinas




CUSSADENTAS E CUSSADENTS


Derivonza dallas cussadentas e dils cussadents per ils 31-12-2022




Structura da vegliadetgna 2020 - 2022



Occupaziun dalla instituziun 2020 – 2022



Dis d'occupaziun 2020 – 2022 tenor scalem da tgira





DEFUNCTAS E DEFUNCTS

Bach Fritz

Bearth Paul Martin

Beer Carmelia

Berther Stanislaus

Caduff Paula

Cavegn-Notter Rita Dora

Cavegn-Tenner Vigeli

Curschellas Georgina

Decurtins Maria

Duff-Bass Lothar

Flepp Antonia

Giger Augustin

Giger-Bundi Giulia

Huonder Lucia

Huonder-Bigliel Hildegard

Indermühle Heinz

Jacomet Theofil

Loretz-Schmid Ludivina

Lutz-Flepp Vigeli

Maissen Gieri Martin

Monn Giuliana Christiana

Monn Raimunda

Nay Angelica

Orlik-Bigliel Georg

Pally Martin

Pally-Beeli Maria

Pally-Frezza Victoria

Pally-Monn Marcellina

Rothmund Mario

Steger-Columberg Monica

Tenner Clotilda

Willi Victor

Nossas caras defunctas e nos cars defuncts ruaussien en paisch. Nuslein salvar els en buna memoria.

ENGRAZIAMENT

Era igl onn 2022 ein nossas cussadentas e nos cussadents stai el center da nies agir e cun il virus da corona ha quei priu en ina dimensiun tut speciala. Tier nies entir agir ei il patratg dil schurmetg adina staus el center ed ha pretendiu da nus tuts e surtut dil persunal bia perseveronza ed in enorm engaschi.

Jeu admettel in grond engraziament pil sustegn e per la buna collaboraziun

- allas caras cussadentas ed als cars cussadents cun lur confamiliars
- al Cussegl da fundaziun PUNTREIS
- al Cussegl d'administraziun PUNTREIS Center da sanadad SA
- a tut nossas colluvreras e nos colluvrers cun lur responsabels
- a nos miedis dr. Marcus Huonder, dr. Romina Simonet, dr. Simon Simonet, dr. Kristina Schnabel, dr. Thomas Lechmann, dr. Stephan Schönle, dr. Eirini Karyda e dr. Petra Tuor cun lur teams per il sustegn medicinal
- alla apoteca Desertina cun Simona Simonet
- als spirituals sur Mathew K., sur Mathew C., sur Alexi, cun las biaras gidontras ed als

confrars dalla claustra per igl accumpignament e sustegn pastoral

- alla frisunza Rahel Bisquolm, alla pedicura Marlis Oertli-Levy ed a nos acustichers per lur purschidas
- a nossas gidontras e nos gidonters voluntaris per il sustegn ellas activitads dil mintgadi
- a nos musicians per la recreazion
- al biro RRT AG per il support el sectur dallas finanzas
- al Spital regiunal Surselva, alla Pro Senectute Surselva sco era ad alzheimer grischun
- al survetsch da punt palliativ dal Grischun
- alla fatschenta Furgertaxi SA cun Ignaz Furger e Raffael Monn pil sustegn ed agid en cass da mortoris e per ils transports
- als manischunzs dil taxi dalla crusch cotschna per ils transports
- a nos partenaris dallas casas da tgira Casa s. Martin a Trun e da casa val lumnezia a Vella
- a tut tgi che ha fatg dil bien a nossas cussadentas e nos cussadents duront igl onn ora



PERSUNAS DA CONTACT



Christoph Berger

President

Cussegl da fundaziun

079 429 92 21

berger73@gmx.ch



André Schmid

President

Cussegl d'administraziun

079 304 53 53

a.schmid@conversa.gr



Gian-Reto Nufer

Meinafatschenta

081 929 56 56

grnufer@puntreis.ch



ADRESSA DA CONTACT

PUNTREIS Center da sanadad SA

Via Cons 11

7180 Disentis/Mustér

081 929 56 56

info@puntreis.ch

www.puntreis.ch

www.facebook.com/Puntreis

www.instagram.com/puntreis/